



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za žalbe i Predstavke

A nr. 929/2013

Paneli Zgjedhor për Ankesa dhe Parashtrësia (PZAP), në panelin e përbërë nga, Muhamet Rexha kryesues, Ymer Hoxha dhe Nenad Lazić, anëtarë, duke vendosur lidhur me ankesën e subjektit politik Lidhja Demokratike e Kosovës (LDK) dega në Klinë, për shkak të mos-përputhjes së rezultateve përfundimtare të Komisionit Qendror Zgjedhor (KQZ)-Qendra e Numërimit dhe Rezultateve (QNR) në seancën e panelit të mbajtur me 18.11.2010, mori këtë:

V E N D I M

MIRATOHET si e bazuar ankesa e subjektit politik LDK.

URDHËROHET KQZ që të numëroj fletëvotimet në Qendrat e Votimit (QV) 0801c – Vendvotimi (VV) 11D; QV 0803c – VV 02R; QV 0805c – VV 03R, QV 0806c VV 04D, QV 0807c VV 01R, QV 0807c VV 04R, QV 0811c VV 03D, QV 0814c VV 02R, QV 0815c VV 02D, QV 0816c VV 02D, QV 0817c VV 02D, QV 0818c VV 01D, dhe ky numërim të përfshihet në rezultatin përfundimtar të Zgjedhjeve Lokale të 3 Nëntorit 2013.

A R S Y E T I M

Subjekti politik LDK, dega në Klinë, ka parashtruar ankesë më të cilën pretendon se në rezultatet e publikuara nga Komisioni Qendror i Zgjedhjeve ka mospërputhje në mes të numrit të nënshkrimeve dhe numrit të fletëvotimeve në kutit e votimit.

Po ashtu, sipas pretendimeve të parashtruesit të ankesës, ekziston një mos-përputhje e rezultateve në mes të rezultateve preliminare të shpallura nga KKZ-ja dhe gjendjes faktike të argumentuar në formularët e përputhjes së të dhënave dhe rezultateve të nënshkruara nga komisionarët e të gjitha partive politike. Parashtruesi i ankesës pretendon se mospërputhjet e lartë përmendura kanë deformuar rezultatet dhe mund të kenë ndikuar në rezultatet përfundimtare të zgjedhjeve për kryetar komune dhe për këto arsye ka propozuar që të aprovohet ankesa.

Paneli Zgjedhor për Ankesa dhe Parashtrësia (PZAP), i shqyrtoj pretendimet ankimore dhe shkresat tjera të lëndës e pas vlerësimit të gjithanshëm të tyre gjeti se:

- **ankesa është e bazuar**

Nga shkresat e lëndës rrjedh se në publikimin e rezultatit përfundimtar nga KQZ, janë bërë mospërputhje të rezultateve në mes të nëshkrimeve dhe fletëvotimeve në këto Qendra të Votimit të theksuara si në dispozitiv. Paneli vlerëson se këto veprime përfaqësojnë padrejtësi serioze e në bazë të nenit 119 paragrafi 5 i LZP-së,

Nga këto arsye e më qëllim të evitimit të këtyre lëshimeve të lartë cekura është vendosur si në dispozitiv në bazë të nenit 115.1 e lidhur më nenin 119.5 të LZP-së, për shkak se në dispozitën e nenit 119.5 të LZP-së parashihet se, *PZAP-i mundet që sipas vendimit të tij të shqyrtoj çështje të cilat përndryshe janë nën juridiksionin e tij kur kjo është rreptësisht e domosdoshme për të parandaluar padrejtësi serioze.*

Paneli Zgjedhor për Ankesa dhe Parashtresa

A nr. 929/2010 më datën 18.11.2013.

**Kryesuesi i Panelit
Muhamet Rexha**

